

緣五部見滅見道所斷根惟緣自部及不斷  
 修斷不斷根通緣五部及不斷又欲色界繫  
 及不繫根通緣三界繫及不繫無色界繫根  
 惟緣色無色界繫及不繫因隨差別亦應准  
 知是謂此中略所說義隨文廣釋如理應知  
 於中一切初翻因略而緣廣一切後翻緣略  
 而因廣此中諸忍以智名說智眷屬故

十四末

說一切有部發智大毗婆沙論卷第二百五十六情六  
 羸劣上方反媿紆阮

阿毗達磨大毗婆沙論卷第二百五十七 情七

五百大阿羅漢等造 三藏法師玄奘奉 詔譯

定蘊第七中得納息第一之一  
 諸得過去法彼得過去耶如是等章及解章  
 義既領會已應廣分別問何故作此論答欲  
 止他宗顯已義故謂或有執過未是無而說

乙

越及富

現在是無為法為遮彼執顯過未有現非無  
 為故作斯論所以者何若無過去未來者應  
 無有情成就彼法及不成就如第二頭第三  
 手第六蘊第十三處第十九界等無有成就  
 不成就者然有成就過去未來及不成就故  
 知實有或復有執成就非實有法如譬喻者  
 作如是論諸有情類不離彼法說名成就此  
 無實體但是觀待分別假立如五指合名之  
 為拳離即非拳故非實有如有有情不離彼  
 法說名成就離即不成就故體非實有問彼  
 何故立此論耶答依契經故如契經說有轉  
 輪王成就七寶若此成就是實有者應成就  
 他身及非有情數謂彼輪王若成就輪寶神  
 珠寶者則法壞亦是有情數法亦是非有情  
 數法若成就象寶馬寶者則趣壞亦是人趣  
 亦傍生趣若成就女寶者則身壞亦是男身  
 亦是女身若成就主藏臣寶兵將寶者則業  
 壞亦是王亦是臣勿有此過故成就非實有

爲止彼宗顯成就體是實有故而作斯論若成就體非實有者便違經說如說有學成就八支漏盡阿羅漢成就十支若成就非實者彼聖者有漏心現前及無心時便不成就三世聖道云何成就八支十支以支皆是無漏法故又若成就非實有者復違餘經如餘經

說此補特伽羅成就善法及不善法若成就非實有者彼起善法時應不成就不善法起不善法時應不成就善法起無記法時應俱不成就又若成就非實有者復違餘經如說若苾芻成就七妙法者於現法中多住喜樂彼應成就一妙法或不成就謂七妙法隨一

現前時彼苾芻但成就一以七妙法皆慧爲性尚無二慧俱起況當有七若起餘法現在前時則七妙法皆不成就又若成就非實有者復違餘經如說如來應正等覺成就十力彼應但說成就一力或不成就謂若隨起一力現前餘九離身便不成就以十力皆慧爲

情七

二

體無二慧俱起故若起餘法現在前時是則十力皆不成就又若成就非實有者復有餘過異生應各離三界染諸阿羅漢應各異生謂諸異生起善無覆無記心及無心時身中現無煩惱復不成就過去未來豈不名爲離三界染諸阿羅漢起有漏心及無心時現無

聖道復不成就過去未來豈非異生無聖法故若介便爲大過是故成就決定實有問若成就是實有者譬喻者所引經云何通答彼說自在名爲成就謂轉輪王於自七寶攝御自在假說成就非如成就學八支等或復有執成就雖實有體而不成就無有實體爲遮彼執顯不成就亦有實體故作斯論若不成就無實體者成就亦無實體觀不成就說成就故如觀夜立晝觀闇立明皆實有體此亦如是又不成就是成就近對治更互相違如貪無貪瞋無瞋癡無癡定亂等若無實體何所相違成近對治又不成就若無體者應不

施設斷諸煩惱謂聖道起斷諸煩惱非如以刀割物以石磨物但斷繫得證離繫得令諸煩惱不成就起說名為斷故知實有不成就性或復為欲斷疑網故而作斯論謂雜蘊說過去法生老住無常當言過去乃至廣說勿有生疑如相與法不異世不異刹那得與法

情七

三

亦亦如得與法有異世有異刹那相與法亦亦為令此疑得決定故明相與法定不異世不異刹那而得與法有同有異謂三世法一各有三世得故問何故相與所相世及刹那決定無異得與所得或同或異耶答相與所相必同一果相隨行不相離無前後於同

聚法不能棄捨得與所得不同一果非定相隨非不相離或有前後於同聚法或能棄捨如諸樹皮性離於樹是故為止他宗顯於已義及令疑者得決定故設不止他顯已令疑決定但於法相相應義中應顯所明故作斯論諸得過去法彼得過去耶此中得言欲何

所顯謂獲成就云何知然如施設論說得云何謂獲成就獲云何謂得成就成就云何謂獲得得獲成就聲雖有別而義無異所得法類有十一種欲界有四謂善不善有覆無記無覆無記色界有三除不善無色界亦亦及無漏法欲界善不善無覆無記各具五蘊有

覆無記惟有四蘊色界三各具五蘊無色界三各惟四蘊無漏法具五蘊及擇滅非擇滅除虛空無為非所得法故此中欲界善不善色若在過去有三世得若在未來惟有未來得若在現在有二世得謂未來現在善不善有覆無記四蘊及無覆無記中通果心俱生

品四蘊彼得世雜刹那雜謂在過去未來現在皆具三世得故無覆無記一切色蘊異熟生四蘊及威儀路工巧處多分四蘊彼得世不雜刹那不雜若在過去得亦過去若在未來得亦未來若在現在得亦現在威儀路四蘊中善串習者如佛馬勝及餘有情所善串

習并工巧處四蘊中善串習者如佛妙業天子及餘有情所善串習彼得亦皆世雜利那雜謂在三世各有三世得故色界善五蘊有覆無記及無覆無記中通果心俱生品四蘊彼得世雜利那雜謂在三世各有三世得故不定善色蘊如欲界善不善色蘊說一切有

情七

四

覆無記無覆無記色蘊及威儀路異熟生四蘊彼得世不雜利那不雜隨在彼世即惟有彼世得故無色界善不覆無記四蘊彼得世雜利那雜謂在三世各有三世得故異熟生四蘊彼得世不雜利那不雜隨在彼世即惟有彼世得故無漏五蘊彼得亦世雜利那雜謂在三世各有三世得故此則摠說若別說者諸未曾得無漏五蘊及未曾得有漏修所成并未曾得聞思所成彼最初得若在未來彼法惟有未來得若在現在彼法則有未來現在得若在過去彼法則有三世得擇滅非擇滅法雖非三世攝而有三世得然擇滅得

有二種謂有漏無漏有漏擇滅得由離欲界染乃至無所有處染故起是世俗道類若未離染彼滅惟有過去未來得若已離染彼滅即有三世得無漏擇滅得由離三界見修所斷染故起是聖道類欲界見苦所斷法擇滅若苦法智未現在前彼滅惟有未來得若現

在前彼滅則有未來現在得若已滅彼滅則有三世得如是乃至有頂第九品法擇滅若盡智未現前等如理應知非擇滅得惟是有漏彼最初得若在未來彼滅惟有未來得若在現在彼滅則有未來現在得若在過去彼滅則有三世得此中初問答顯一一世法有

情七

五

三世得第二問答顯一一世得得三世及離世法是謂此處略毗婆沙諸得過去法彼得過去耶答彼得或過去或未來或現在得過去法過去得者謂過去三界一切諸蘊及無漏蘊彼所有過去得過去去法未來得者謂過去欲界善不善五蘊有

覆無記四蘊無覆無記中通果心俱生品及威儀路工巧處一分四蘊色界善五蘊有覆無記及無覆無記中通果心俱生品四蘊無色界善有覆無記四蘊無漏五蘊彼所有未來得得過去法現在得者謂過去欲界善不善五蘊乃至廣說如未來彼所有現在得設

得過去彼得過去法耶答彼法或過去或未  
來或現在或無為過去得得過去法者謂過  
去得得過去三界一切諸蘊及無漏蘊過去  
得得未來法者謂過去得得未來欲界善不  
善有覆無記四蘊無覆無記中通果心俱生  
品及威儀路工巧處一分四蘊色界善五蘊

有覆無記及無覆無記中通果心俱生品四  
蘊無色界善有覆無記四蘊無漏五蘊過去  
得得現在法者謂過去得得現在欲界善乃  
至廣如得未來說過去得得無為法者謂過  
去得得擇滅非擇滅  
諸得未來法彼得未來耶答彼得或未來或

過去或現在得未來法未來得者謂未來三  
界一切諸蘊及無漏蘊彼所有未來得得未  
來法過去得者謂未來欲界善不善有覆無  
記四蘊無覆無記中通果心俱生品及威儀  
路工巧處一分四蘊色界善五蘊有覆無記  
及無覆無記中通果心俱生品四蘊無色界

善有覆無記四蘊無漏五蘊彼所有過去得  
得未來法現在得者謂未來欲界善乃至廣  
說如過去彼所有現在得設得未來彼得未  
來法耶答彼法或未來或過去或現在或無  
為未來得得未來法者謂未來得得未來三  
界一切諸蘊及無漏蘊未來得得過去法者

情七

六

謂未來得得過去欲界善不善五蘊有覆無  
記四蘊無覆無記中通果心俱生品及威儀  
路工巧處一分四蘊色界善五蘊有覆無記  
及無覆無記中通果心俱生品四蘊無色界  
善有覆無記四蘊無漏五蘊未來得得現在  
法者謂未來得得現在欲界善乃至廣如得

過去說未來得得無爲者謂未來得得擇滅  
非擇滅諸得現在法彼得現在耶答彼得或  
現在或過去或未來得現在法現在得者謂  
現在三界一切諸蘊及無漏蘊彼所有現在  
得得現在法過去得者謂現在欲界善不善  
有覆無記四蘊無覆無記中通果心俱生品

及威儀路工巧處一分四蘊色界善五蘊有  
覆無記及無覆無記中通果心俱生品四蘊  
無色界善有覆無記四蘊無漏五蘊彼所有  
過去得得現在法未來得者謂現在欲界善  
不善五蘊有覆無記四蘊餘如過去得說彼  
所有未來得得現在彼得現在法耶答彼

法或現在或過去或未來或無爲現在得得  
現在法者謂現在得得現在三界一切諸蘊  
及無漏蘊現在得得過去法者謂現在得得  
過去欲界善不善五蘊有覆無記四蘊無覆  
無記中通果心俱生品及威儀路工巧處一  
分四蘊色界善五蘊有覆無記及無覆無記

情七

七

中通果心俱生品四蘊無色界善有覆無記  
四蘊無漏五蘊現在得得未來法者謂現在  
得得未來欲界善不善有覆無記四蘊餘如  
得過去說現在得得無爲者謂現在得得擇  
滅非擇滅

諸得善法彼得善耶答如是以善法得必是  
善故設得善彼得善法耶答如是以諸善得  
惟得善法故不善無記問答亦亦能得所得  
性必同故諸得欲界法彼得欲界耶答如是  
以欲界法得必是欲界故設得欲界彼得欲  
界法耶答彼法或欲界或不繫欲界者謂欲  
界五蘊不繫者謂諸非擇滅以生欲界補特

伽羅於三界繫及不繫法得非擇滅彼得皆  
是欲界繫故諸得色界法彼得色界耶答如  
是以色界法得必是色界故設得色界彼得  
色界法耶答彼法或色界或不繫色界者謂  
色界五蘊不繫者謂諸擇滅非擇滅擇滅者  
謂欲界下三靜慮五蘊擇滅彼世俗道類得

皆色界繫以下地擇滅有漏得皆上地近分攝故非擇滅者謂生色界補特伽羅於三界繫及不繫法得非擇滅彼得皆是色界繫故諸得無色界法彼得無色界耶答如是以無色界法得皆是無色界繫故設得無色界彼得無色界法耶答彼法或無色界或不繫無

色界者謂無色界四蘊不繫者謂諸擇滅非擇滅擇滅者謂第四靜慮地繫五蘊及下三無色地繫四蘊擇滅後世俗道類得皆無色界繫所以如前非擇滅者謂生無色界補特伽羅於三界繫及不繫法得非擇滅彼得皆是無色界繫故諸得學法彼得學耶答如是

以學法得必是學故設得學彼得學法耶答彼法或學或非學非無學學者謂學五蘊非學非無學者謂諸學得所得擇滅諸得無學法彼得無學耶答如是以無學法得必是無學故設得無學彼得無學法耶答彼法或無學或非學非無學無學者謂無學五蘊非學

情七

八

非無學者謂諸無學得所得擇滅諸得非學非無學法彼得非學非無學耶答彼得或非學非無學或學或無學非學非無學者謂有漏五蘊四蘊得一切非擇滅得諸擇滅世俗道類得學者謂諸擇滅學道類得無學者謂諸擇滅無學道類得設得非學非無學彼得

非學非無學法耶答如是以諸非學非無學得惟得非學非無學法故諸得見所斷法彼得見所斷耶答如是以見所斷法得必是見所斷故設得見所斷彼得見所斷法耶答如是見所斷得惟得見所斷法故諸得修所斷法彼得修所斷耶答如是以修所斷法得

必是修所斷故設得修所斷彼得修所斷法耶答彼法或修所斷或不斷修所斷者謂修所斷五蘊不斷者謂一切非擇滅及世俗道類所得擇滅諸得不斷法彼得不斷耶答彼得或不斷或修所斷不斷者謂無漏五蘊得及諸擇滅無漏道類得修所斷者謂一切非

擇滅得及諸擇滅世俗道類得設得不斷彼  
得不斷法耶答如是以不斷得惟得不斷法  
故已隨本文辯諸得相當更隨義顯諸非得  
若法有得彼法有非得若法無得彼法無非  
得獲成就非獲非成就說亦亦由此一切有  
情數法及擇滅非擇滅有非得有獲非獲

情七

九

有成就非成就一切非有情數法及虛空無  
為則皆無有非得等又於自相續法有得  
有非得等於他相續法無非得等此中過  
去未來法各有三世非得現在法惟有過未  
二世非得可以可成就法在現在世必成就故  
得與非得更互相違不俱起故善不善無記

法非得皆惟無記三界法非得皆通三界學  
無學非學非無學法非得皆惟非學非無學  
見所斷修所斷不斷法非得皆惟修所斷是  
謂非得略毗婆沙  
諸不得過去法非得過去耶答彼非得或  
過去或未來或現在不得過去法過去非得

者謂過去善不善有覆無記無覆無記無漏  
五蘊彼所有過去非得此中斷善根者善五  
蘊離欲染者不善五蘊諸阿羅漢有覆無記  
五蘊一切有情多分無覆無記五蘊以無覆  
無記法已過刹那及未至刹那多分不成就  
故諸異生類無漏五蘊是謂摠相所不得法

不得過去法未來非得者謂過去善不善有  
覆無記無覆無記無漏五蘊彼所有未來非  
得如前釋不得過去法現在非得者謂過去  
善不善有覆無記無覆無記無漏五蘊彼所  
有現在非得隨所應如前釋設非得過去彼  
不得過去法耶答彼法或過去或未來或現  
在或無為過去非得不得過去法者謂過去  
非得不得過去善乃至無漏五蘊如前釋過  
去非得不得未來法者謂過去非得不得未  
來善乃至無漏五蘊如前釋過去非得不得  
現在法者謂過去非得不得現在善乃至無  
漏五蘊如前釋過去非得不得無為法者謂



過去非得不得擇滅非擇滅法謂具縛者於  
釋滅一切有情於非擇滅諸不得未來法彼  
非得未來耶答彼非得或未來或過去或現  
在不得未來法未來非得者謂未來善乃至  
無漏五蘊彼所有未來非得如前釋不得未  
來法過去非得者謂未來善乃至無漏五蘊

情七

十

彼所有過去非得如前釋不得未來法現在  
非得者謂未來善乃至無漏五蘊彼所有現  
在非得如前釋設非得未來彼不得未來法  
耶答彼法或未來或過去或現在或無為未  
來非得不得未來法者謂未來非得不得未  
來善乃至無漏五蘊如前釋未來非得不得

過去法者謂未來非得不得過去善乃至無  
漏五蘊如前釋未來非得不得現在法者謂  
未來非得不得現在善乃至無漏五蘊如前  
釋未來非得不得無為法者謂未來非得不  
得擇滅非擇滅如前釋諸不得現在法彼非  
得現在耶答彼非得或過去或未來非現在

相違故不得現在法過去非得者謂現在善  
乃至無漏五蘊彼所有過去非得如前釋不  
得現在法未來非得者謂現在善乃至無漏  
五蘊彼所有未來非得如前釋設非得現在  
彼不得現在法耶答彼法或過去或未來或  
無為非現在相違故現在非得不得過去法

者謂現在非得不得過去善乃至無漏五蘊  
隨所應如前釋現在非得不得未來法者謂  
現在非得不得未來善乃至無漏五蘊如前  
釋現在非得不得無為法者謂現在非得不  
得擇滅非擇滅如前釋

情七

十一

是無記非善性故設非得無記彼不得善法  
耶答彼法或善或不善或無記以無記非得  
不得三性法故諸不得不善法彼非得不善  
耶答不尔以彼非得是無記非不善性故設  
非得無記彼不得不善法耶答彼法或善或  
不善或無記以無記非得不得三性法故諸

不得無記法彼非得無記耶答如是以諸非得惟無記故設非得無記彼不得無記法耶答彼法或善或不善或無記以無記非得不得三性法故諸不得欲界法彼非得欲界耶答彼非得或欲界或色界或無色界不得欲界法欲界非得者謂生欲界諸蘊非得不得欲界法色界非得者謂生色界欲界諸蘊非得不得欲界法無色界非得者謂生無色界欲界諸蘊非得設非得欲界彼不得欲界法耶答彼法或欲界或色界或無色界或不繫欲界非得不得欲界法者謂生欲界不得欲界諸蘊欲界非得色界法者謂生欲界不得色界諸蘊欲界非得無色界法者謂生欲界不得無色界諸蘊欲界非得

不得色界法色界非得者謂生色界色界諸蘊非得不得色界法無色界非得者謂生無色界色界諸蘊非得設非得色界彼不得色界法耶答彼法或欲界或色界或無色界或不繫色界非得不得欲界法者謂生色界不得欲界諸蘊色界非得不得色界法者謂生色界不得色界諸蘊色界非得不得無色界法者謂生無色界不得無色界諸蘊無色界非得不得無色界法色界非得者謂生色界無色界諸蘊非得不得無色界法無色界非得者謂生無色界無色界諸蘊非得設非得無色界彼不得無色界法耶答彼法或欲界或色界或無色界或不繫無色界非得不得欲界法者謂生無色界不得欲界諸蘊

情七

十二

無色界非得不得色界法者謂生無色界不得色界諸蘊無色界非得不得無色界法者謂生無色界不得無色界諸蘊無色界非得不得不繫法者謂生無色界不得無漏諸蘊及擇滅非擇滅諸不得學法彼非得學耶荅不亦以彼非得是非學非無學非是學故設非得非學非無學彼不得學法耶荅彼法或學或無學或非學非無學以非學非無學非得不得三種法故諸不得無學法彼非得無學耶荅不亦以彼非得是非學非無學非是無學故設非得非學非無學彼不得無學法耶荅彼法或學或無學或非學非無學以非學非無學非得不得三種法故諸不得非學非無學法彼非得非學非無學耶荅如是以諸非得惟是非學非無學故設非得非學非無學彼不得非學非無學法耶荅彼法或學或無學或非學非無學以非學非無學非得不得三種法故諸不得見所斷法彼非得見

情七

十三末

所斷耶荅不亦以彼非得是修所斷非見所斷故設非得修所斷彼不得見所斷法耶荅彼法或見所斷或修所斷或不斷以修所斷非得不得三種法故諸不得修所斷法彼非得修所斷耶荅如是以諸非得惟修所斷故設非得修所斷彼不得修所斷法耶荅彼法或見所斷或修所斷或不斷以修所斷非得不得三種法故諸不得不斷法彼非得不斷耶荅不亦以彼非得是修所斷非不斷故設非得修所斷彼不得不斷法耶荅彼法或見所斷或修所斷或不斷以修所斷非得不得三種法故

不出字

說一切有部發智大毗婆沙論卷第二百五十七 情七